



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De pugna Ecclesiæ & fidelium. tit. 255

urn:nbn:de:hbz:466:1-29452

Hebr. 12.

non eris. Responde ad primum: aliena sunt, quæ hîc relinquo. Domini est terra, Psalm. 23. Relinquo etiam plus malorum, quàm si superuixerim, facere possem bona: longè etiam maiora & plura bona, accipiam propter Christum, quàm hîc relinquo: amiciores me me breui sequentur, & ad iucundiores amicos prope- ro quàm hîc relinquo, ad angelos, ad omnes sanctos, cœli ciues. Ad secundum, pius Deus medetur, ut cle- mens medicus & benignus pater, qui filium, quem diligit, castigat, Prouer. 3. multo maiora bona accipiam ab eo, quàm mala, quæ perfero, & cur non perferam, qui fui inobediens seruus? Luc. 12. Seruus sciens Do- mini voluntatem, &c. Clementiæ ergo signum sunt cruciatus, &c. Ad tertium: Tu sathã calumniator es, non iudex, sed ipse damnatus. Christus cõstitutus est iudex, Act. 10. & dicit, qui credit, non iudicatur, Ioh. 3.

Quartò, quando sathan non potest terrore seduce- re, ad blanditias sese conuertit: & primò suggerit, multa bona fecisti, dignus es misericordia & æterna beatitudine, credidisti in Christum, non poteris dam- nari. Tot annis in monasterio seruijsti, idè non po- test te Deus damnare, Nam dicit Matt. 25, Esuriui, & dedistis mihi &c. Responde, si quicquam boni operis à me profectum est, Domini est, non meum: ego solũ instrumentum fui, Esa. 26. omnia opera nostra &c. Nulla est mea operum dignitas. Tu operatus es om- nia secundum gratiam tuam in nobis, & remuneras dona tua per tuam misericordiam, id est, Christum. Ego agnosco meam indignitatem, & nihil scio nisi Christum, & hunc crucifixum, 1. Cor. 4. In manus igi- tur Dei commendo Spiritum meum: oro quoq; Do- minum meum Christum, ut conseruet, ne intrem in- tentationem, Matt. 6.

DE PUGNA ECCLESIAE
& fidelium.

TITV.

Primò, Christus inquit omnibus fidelib. Ioan. 16. In mundo pressuram habebitis, in me autem pacem. Ab initio Ecclesiæ fuerunt duo genera hominum, fideles & infideles, quæ incipiebant ab Abel & Cain, Gen. 4. & erat inter eos pugna donec vixerunt. Sic omnes Sarraceni, Turci, Gentes & Iudæi exosos habent Christianos, donec vixerint. Nam reputant crucem Christi scandalum & stultitiam, 1. Cor. 1. quæ nos credimus nostram virtutem, contra peccatum, mortem & Sathanã. Est enim virtus Dei in Euangelio, Roma. 1. ad salutem omni credenti, illos habebimus inimicos vsq; ad diem nouissimum.

Secundò, ab initio nascentis Ecclesiæ fuit pugna inter catholicos Christianos & hæreticos, & erit vsque ad nouissimum diem, id enim præfiguratū fuit in duobus gemellis, qui in vno utero Rebecæ pugnant. Sic illa sub vna fide Christi & Ecclesia. Sic ager optimè seminatus, Mat. 13. supersemnatur ab homine inimicò, id est, hæretico. Sic sub vno patre Abraham, Isaac & Ismael, Gen. 21. fit persecutio, Gal. 4. Sic Iudæi boni in futurū Christum sperantes, semper habebant bellum vsq; ad aduentum Christi, 1. Machab. 1. vbi Rex Antiochus voluit deletæ fidem Iudaicam & ceremonias, &c. Sic nos habebimus pugnam cum hæreticis vsq; ad diem nouissimum, & secundum Christi aduentum, ob id admonemur ad constantiã Matt. 24. Qui perseuerauerit &c.

Secundò, sicut tunc fiebant conciones in populo pro constantia à Matathia & cæteris: sic hodiè admonemur, ne credamus detrectatoribus, qui iterum reducere nos volunt in Aegyptum, id est, in pristinos errores, Numer. 14. Sic enim prædicatores proposuerunt populo: mementote patrum, qui in constantia
coronati

coronati sunt. Abrahæ constantia sibi ad iustitiam reputatur, Genes. 22. Iosephus timore Dei, nè frangeret præceptum, ilicò exaltatur, Genes. 41. Zelus Pharaones pro veteri religione accipit testamentum æternum, Num. 25. Iosue & Caleph testificantes veritatem, acceperunt ingressum terræ sanctæ, Num. 14. Daud in misericordia consecutus est regnum, 1. Reg. 24. Heliæ zelus pro lege Domini ducit in cælum, 4. Reg. 2. Ananias, Azarias, Misael credentes, in flamma ignis conseruantur, Dan. 3. & Daniel ipse in lacu leonum, Daniel. 6. & 14. Hoc mementote fratres & pugnate viriliter, &c. 1. Machab. 2. Hæc fuit concio antiquorum tempore schismatis seu aduersitatis.

Tertiò, sic nos iam primò proponimus populo, ut cogitèt hæc tempora & schismata prædicta à Christo, Matth. 24. ab Apostolis, Actorum. 20. 2. Pet. 2. Et Christus. Matth. 7. Attendite à falsis prophetis &c. Subindè proponimus Ecclesiam veterem, & illorum doctores, Augustinum, Cyprianum, Tertullianum, &c. qualiter illi dimicârunt contra hæreses. Tertiò, proponimus totam & vniuersalem Ecclesiam, nè quis ab illa se separet, alioquì non saluabitur. Gal. 1. 5. Sectæ, &c. illa probat spiritus, 1. Ioann. 4.

DE STATV ECCLÉSIAE

in nouissimis temporibus.

TITVLVS CCLVI.



PRIMò, Apostolus 1. Timoth. 4. inquit Spiritus manifestè dicit, quòd in nouissimis temporibus discedent quidam à fide, id est, catholica Ecclesia. quidam, dicit: non, omnes: Nam fides Petri manebit, Lu. 22. propter Christi petitionè: Ego rogauì pro te, &c. Sic erit discessio à Romano imperio, nõ omnes tamè discedent, sed quidam. Erit eam tã fides catholica, quã Romanum imperium, vsq; ad